

◎ 鄭真著

唐刺史考全編

安徽大學出版社

郁賢皓◎著

唐

刺史考全編

2

正印  
扶于帆  
署



安徽大学出版社

## 卷五二 懷州(河內郡)

隋河內郡。武德二年沒王世充，於濟源西南柏崖城僑置懷州。其年置總管府。四年平世充，移懷州於舊治野王城。貞觀元年罷都督府。天寶元年改爲河內郡。乾元元年復爲懷州。領縣五：河內、武德、武陟、獲嘉、修武。

### 黃君漢 武德元年—六年(618—623)

《新書·崔義玄傳》：“隋大業亂，往見李密，密不用。河內賊黃君漢爲密守柏崖……因說君漢以城歸，乃拜君漢懷州刺史、行軍總管，以義玄爲司馬。”《通鑑·武德六年》：八月，“懷州總管黃君漢出譙、亳，齊州總管李世勣出淮、泗，以討輔公祏”。又見《新書·輔公祏傳》，《元龜》卷一二二。《文館詞林》卷四五九李百藥《夔州都督黃君漢碑銘并序》：“大業數窮，朝危國蹙，公深歎橫流，方期義舉……及魏公(李密)喪律，方效誠款……詔除上柱國、使持節總管懷州諸軍事懷州刺史，封東郡開國公……以功拜使持節總管懷、陟、恭、西濟四州諸軍事懷州刺史，封虢國公……自淮肥成破竹之效，軍還，除使持節都督潞澤蓋韓遼五州諸軍事潞州刺史。”又見《千唐誌·唐故洪州都督府兵曹參軍黃君(承緒)墓誌銘并序》，《全文》卷五二二梁肅《外王父贈祕書少監東平呂公神道表銘》。按《元龜》卷八一二有“黃居漢……位懷州刺史”，當爲“黃君漢”之訛。

陸善宗 武德中

《通鑑·武德四年》：二月“乙卯，王世充懷州刺史陸善宗以城降”。又見《元龜》卷一二六。《千唐誌·大唐故韓王府兵曹參軍延陵縣開國公陸君(紹)墓誌銘并序》(垂拱四年五月十五日)：“祖善宗，皇朝駕部郎中，使持節德、光、懷三州刺史，洛州長史，上柱國，延陵縣開國公。”紹卒顯慶四年十二月一日，春秋四十四。

張亮 武德九年—貞觀五年(626—631)

《舊書》本傳：“〔李〕元吉告亮欲圖不軌……事釋，遣還洛陽。及〔李〕建成死，授懷州總管，封長平郡公。貞觀五年，歷遷御史大夫，轉光祿卿。”又見《元龜》卷六九〇。《新書》本傳未及。《續高僧傳》卷一五《唐澤州清化寺釋智徽傳》：“僞鄭之初……徽以聽侶不安，爲營別院。四方學士，同萃其中……懷州都督郎國公張亮，欽抱德教，遠延講說。道俗屯赴，又結河陽。”貞觀十二年三月二十日卒，春秋七十九。

李安遠 約貞觀五年—七年(約 631—633)

《舊書》本傳：“貞觀初，歷潞州都督、懷州刺史。歷任頗有聲績，然傷於嚴急，時論少之。七年卒。”《新書》本傳略同。又見《元龜》卷八一—。

崔信明 貞觀中

《新表二下》清河崔氏青州房：“信明，懷州刺史。”乃後魏殷州別駕崔滔之孫；天官鸞臺侍郎冬日之父。按兩《唐書》本傳未及懷州刺史。唯云：“貞觀六年應詔舉，授興世丞，遷秦川令，卒。”未知《新表》誤否？

李緯 貞觀中

《全文》卷二〇—李尙一《開業寺碑并序》：“開業寺者……李

公捨山第之所立也……曾孫緯，皇朝宗正、衛尉、司農三寺卿，金紫光祿大夫，荊州大都督府長史，幽州都督……懷、洛、蒲三州刺史。”按《新表二上》李氏：“緯，戶部尚書。”又按緯貞觀二十一年爲洛州刺史。

### 許智仁 貞觀中

《姓纂》卷六安陸許氏：“智仁，右屯田(衛)將軍、懷州刺史，許(孝)昌公。”《會要》卷八〇稱懷州刺史孝昌縣男許智仁。《全文》卷二一八崔融《爲許智仁奏懷州黃河清表》：“臣以去月得河內縣申云，自太平村已下三十餘里河水變清。”兩《唐書》本傳未及懷州刺史，唯稱封孝昌縣公。按《舊書》本傳謂智仁貞觀中卒。然崔融生於高宗時，不可能爲智仁作《表》。疑署名誤。

### 鄭弘禮 約貞觀中

《新表五上》南祖鄭氏：“弘禮，懷州刺史。”後周溫州刺史子規之曾孫，藍田令德仁之子。其叔乾嘉，隋侍御史。

### 李寬 約顯慶初—四年(?—659)

《全文》卷一四高宗《冊李寬太子詹事文》：“維顯慶四年歲次己未三月戊寅朔二十五日壬寅……金紫光祿大夫、懷州刺史、上原縣開國侯李寬……命爾爲太子詹事。”又見《大詔令集》卷六二。

### 郭齊宗 上元中

《舊書·員半千傳》：“上元初，應八科舉，授武陟尉。屬頻歲旱饑，勸縣令殷子良開倉以賑貧餒，子良不從。會子良赴州，半千便發倉粟以給饑人。懷州刺史郭齊宗大驚，因而按之。”又見《元龜》卷七〇四，《御覽》卷二六九。《姓纂》卷一〇京兆郭氏：“齊宗，司農郎中、懷州刺史。”

### 鮮于緒 高宗時?

《唐長安城郊隋唐墓·大唐故雲麾將軍右領軍衛將軍上柱國

北平縣開國公鮮于公(庭誨)墓誌銘并序》：“公諱廉，字庭誨……祖緒，使持節驃騎大將軍開府儀同三司大都督懷州刺史，贈大都督涼河渭三州諸軍事涼州刺史，諡曰景公。考仁敏，高尚不仕。”庭誨開元十一年六月一日卒，享年六十四。其祖疑仕高宗時。

### 薛懷讓 約高宗時

《新表三下》薛氏：“懷讓，懷州刺史。”其父德聞，約隋代人；其子薛侃，官尚書左丞，約仕於玄宗朝。嚴氏《僕尚丞郎表》謂約肅宗前後侃為左丞，疑非是。

### 賈敦實 調露中—永淳初

《舊書》本傳：“後為懷州刺史，永淳初，以年老致仕。”《新書》本傳略同。又見《元龜》卷七八四、卷八九五。《集古錄目》有《河內大雲寺碑》，大足元年立，撰文者稱太子中舍人賈膺福。文云：“先君敦實，早膺朝寄，調露之際，出牧茲邦。”又見拓本《直祕書省韋君妻賈氏玄堂誌》(景龍四年二月二十八日)。

### 李文暉 約嗣聖元年(約 684)

《舊書·杜暹傳》：“父承志，則天初為監察御史。時懷州刺史李文暉以皇枝近屬，為仇人所告，承志推出之。俄而文暉得罪，承志坐貶，授方義令。”又《李敬玄傳》稱：李元素為武德令時，李文暉為懷州刺史。《新書·杜暹傳》、《李敬玄傳》略同。《唐文續拾》卷一四闕名《大唐司空開府儀同三司揚州荊州二大都督并州大總管襄邑恭王(神符)之碑銘》：“〔神符〕以永徽二年五月薨於私第……〔子〕懷州刺史上柱國文暉等並擢秀藩枝。”按《舊書》本傳唯云：“歷幽州都督，魏郡公。垂拱中，坐事貶滕州別駕，尋被誅。”《新書》本傳略同。

### 【李義琰 垂拱元年(685)(未之任)】

《舊書》本傳：“垂拱初，起為懷州刺史。義琰自以失則天意，

恐禍及，固辭不拜。四年，卒於家。”《新書》本傳略同。似義琰未曾赴任。

韋泰真 垂拱二年—三年(686—687)

《隋唐五代墓誌匯編·洛陽卷》第六冊《大唐故使持節懷州諸軍事懷州刺史上柱國臨都縣開國男京兆韋公(泰真)墓誌銘并序》(垂拱四年一月十三日):“〔垂拱〕二年疾甚，七月遷授懷州刺史。即以其年入計，三年正月三十日薨於神都崇政坊私第，春秋六十一。”

鄧 暉 約垂拱三年—四年(約 687—688)

《朝野僉載》卷三:“張利涉性多忘，解褐懷州參軍……又一時晝寢驚，索馬入州，扣刺史鄧暉門。”又見《廣記》卷二四二引。《後村詩話續集》卷三引《朝野僉載》:“尚書左丞張庶廉子利涉為懷州參軍，刺史鄧暉曰:‘名父出如此物。’”《全文》卷二五九路敬淳《大唐懷州河內縣木澗魏夫人祠碑銘并序》稱:“秋官尚書、檢校懷州刺史南陽鄧府君，道光天爵，慶登地靈。”《中州金石記》卷二云:“垂拱四年正月立……碑應懷州刺史南陽鄧府君祈雨之驗，因為立銘。”按鄧府君當即鄧暉。

陶大舉 垂拱四年(688)

《全文》卷九一二靈廓《唐宣州刺史陶府君德政碑》:“至垂拱四年轉授使持節相州諸軍事相州刺史……其年十月□□□州刺史。”據《江蘇金石志》卷四，由相州轉懷州刺史。永昌元年二月十三日立。《金石錄》卷五:“《唐懷州刺史陶大舉碑》，姚崇撰，徐嶠之正書，開元八年。”又見《寶刻叢編》卷四引。《樊南文集》卷一《為懷州李中丞謝上表》:“遠徵三紀，間有兩人:陶某以吏理當材，鄭某以名家正授。”“陶某”，當指大舉。北圖藏拓片《大唐故銀青光祿大夫持節陳州諸軍事陳州刺史上柱國陶府君(禹)墓誌

銘并序》(開元十九年二月十二日卒):“公則介州司馬贈滄州刺史瓚之孫,銀青光祿大夫懷州刺史大舉之子。”

### 武懿宗 約長壽中

《隋唐五代墓誌匯編·陝西卷》第三冊《大唐故懷州刺史贈特進耿國公武府君(懿宗)墓誌銘并序》(景龍元年十一月廿六日):“天授建元之初……封河內郡王……三爲洛州長史,歷魏、汴、同、許四州刺史,三爲懷州刺史……轉太子詹事,重牧於懷。”神龍二年卒,春秋六十六。其第一次任懷州刺史約在長壽中。

### 盧師丘 約武后時

《新表三上》盧氏:“師丘,金部郎中、懷州刺史。”《唐文續拾》卷一五闕名《大唐故襄陽郡襄陽縣令滎陽鄭府君(暹)墓誌銘并序》(天寶十三載正月二十五日):“北齊開府儀同三司魏州刺史襄城公□五代孫、湘陰府君第四子、懷州刺史盧師丘之自出也……開元十五載四月遘疾,其月廿六日終於襄陽官舍,享年七十。”《郎官柱》金部郎中有盧師立,金部員外亦有盧師丘,勞格疑爲同一人。前者在劉守敬、楊守節後,杜從則、柳秀誠前;後者在徐昭、游祥後,宇文有意前。

### 皇甫知常 武后時

《千唐誌·監門衛長史安定皇甫公(愼)墓誌銘并叙》(開元十九年四月七日):“父知常,汾、懷、汴等六州刺史,揚、洛二州長史。”愼卒開元十九年三月二日。按《姓纂》卷五壽春皇甫氏:“知常,洛州長史。”《全文》卷四二二楊炎《杜鵬舉碑》有“洛州長史皇甫知常”。又卷二四一宋之問《送懷州皇甫使君序》:“皇甫使君累司寵職……歷刺於外臺。”又卷二四〇宋之問《爲皇甫懷州讓官表》:“伏奉今月一日制書,除臣使持節懷州諸軍事懷州刺史。”按此文又見卷八三五,以爲錢珣作,誤。又按岑仲勉以爲皇甫懷



州即《姓纂》卷五安定朝那縣皇甫氏之滄州刺史皇甫恠，誤。《讓官表》中有“作鎮西河，未寬人隱”之語，與《皇甫慎志》謂知常歷“汾、懷、汴六州刺史”合，知常任懷州前當爲汾州(西河郡)刺史。

### 竇懷亮 武后時?

《隋唐五代墓誌匯編·陝西卷》第四冊《大唐故左金吾衛長史裴利物故妻竇夫人墓誌并序》(乾元二年十月十日):“河南(內)郡太守懷亮之孫，駙馬都尉延祚之女。”夫人卒乾元二年九月九日，春秋五十七。按唐無河南郡，當爲“河內郡”之訛。

### 武懿宗 約證聖元年(約 695)

《武懿宗墓誌》:“三爲懷州刺史。”此當爲第二次。《新書》本傳:“以司農卿爵爲郡王，歷懷、洛二州刺史。神功元年……”

### 武嗣宗 約聖曆中

《全文》卷二五九賈膺福《大雲寺碑》:“河內大雲寺者，本隋文皇帝所置長壽寺也……前刺史臨川郡王諱嗣宗，今刺史河內郡王諱懿宗，好賢樂善。”又見《金石萃編》卷六四，稱大足元年立。

### 武懿宗 大足元年(701)

《舊書》本傳:“神龍初，隨例降爵，封耿國公，累轉懷州刺史，尋卒。”《金石萃編》卷六四賈膺福《河內大雲寺碑》(大足元年立)稱“今刺史河內郡王諱懿宗。”按《武懿宗墓誌》:“三爲懷州刺史……轉太子詹事，重牧於懷。”證知在大足元年爲第三次，神龍初爲另一次。

### 武懿宗 神龍元年—二年(705—706)

《大唐故懷州刺史贈特進耿國公武府君(懿宗)墓誌銘并序》:“三爲懷州刺史……轉太子詹事，重牧於懷。”神龍二年卒，

春秋六十六。《舊書》本傳：“神龍初，隨例降爵，封耿國公，累轉懷州刺史，尋卒。”證知神龍初“重牧於懷”，卒於任。

梁載言 景龍三年(709)

《舊書》本傳：“歷鳳閣舍人，專知制誥……中宗時爲懷州刺史。”《新書》本傳略同。《朝野僉載》卷六：“懷州刺史梁載言晝坐廳事，□□□忽有物如蝙蝠從南飛來，直入口中……數日而卒。”《千唐誌·大唐故朝議大夫行洋州長史上柱國王府君(震)墓誌銘并序》(景龍三年十月二十六日)：“使持節懷州諸軍事懷州刺史梁載言撰。”

裴談 約中宗時

《廣記》卷四〇〇引《紀聞》：“裴談爲懷州刺史……而談妻有疾，請道家奉章請命。”

李嶠 景雲元年—先天二年(710—713)

《舊書·睿宗紀》：景雲元年七月“丙寅，貶李嶠爲懷州刺史”。又本傳：“睿宗即位，出爲懷州刺史，尋以年老致仕……尋起爲廬州別駕而卒”。《新書》本傳略同。又見《新書·睿宗紀》、《宰相表上》、《通鑑·景雲元年》。《元龜》卷三三九：“李嶠景龍末爲兵部尚書同中書門下三品。韋庶人臨朝，嶠密表請置相王諸子，勿令在京。及玄宗踐祚，獲其表，以示侍臣。嶠自懷州刺史令隨子虔州刺史暢赴任。”

楊隆禮(楊崇禮) 開元初

《舊書·楊慎矜傳》：“父隆禮，長安中天官郎中，神龍後，歷洛、梁、滑、汾、懷五州刺史……開元初，擢爲太府少卿。”又見《元龜》卷八二五。《新書·楊慎矜傳》未及。

張珪 開元六年(718)

《新表二下》張氏：“珪，戶部郎中、懷州刺史。”《全文》卷三一

二孫述《唐故幽州都督河北節度使燕國文貞張公(說)遺愛頌并序》：“開元六祀，宅於幽朔……友于兄弟，則國子祭酒懷州刺史致美於當代。”按張珪乃張說之兄。

### 崔子源 開元十年(722)

《元龜》卷一〇五：開元十年“四月，詔曰：朕聞懷州去年偏併不熟，宜令刺史崔子源察審問貧下不支濟者，量加賑貸”。又見《全文》卷二八。上圖藏拓片《唐故魏州貴鄉縣尉隴西李府君墓誌銘并序》(貞元五年十二月廿三日)：“夫人清河崔氏，父子源，禮部侍郎，魏、同、懷三州牧。”

### 王丘 開元十二年—十三年(724—725)

《舊書》本傳：“〔開元〕十一年，拜黃門侍郎。其年，山東旱儉……於是丘為懷州刺史……俄又分知吏部選事，入為尚書左丞。”《新書》本傳略同。《元龜》卷六七一：“王丘，開元十二年以黃門侍郎為懷州刺史。”《通鑑·開元十三年》：十一月，“上還，至宋州，宴從官於樓上……酒酣，上謂張說曰：‘……懷州刺史王丘，餼牽之外，一無他獻。’”又見《舊書·齊澣傳》，《新書·宇文融傳》。

### 崔皎 開元中

《大唐新語》卷四：“崔皎為長安令，邠王守禮部曲數輩盜馬……皎命就擒之……出為懷州刺史。”

### 明珪 開元中

《舊書·明崇儼傳》：子珪，“開元中仕至懷州刺史”。按明崇儼高宗時為正諫大夫。

### 崔珪 開元中

《新表二下》南祖崔氏：“珪，懷州刺史。”武后時宰相崔神基

之姪。司刑卿神慶之子。神慶神龍中卒，年七十餘。

### 崔 球 開元中

《全文》卷六三八李翱《皇祖實錄》：“公諱楚金，諮議詔第二子……夫人清河崔氏，父球，兗、鄆、懷三州刺史。”按球乃崔珪之弟，《新表二下》清河崔氏：“球，鄆州刺史。”乃司刑卿崔神慶子。

### 鄭 曾 開元中

《全文》卷九九三闕名《唐故慈州刺史光祿卿鄭公(曾)碑》：“降璽書加朝散大夫懷州□□□□□□□□□刺史……春秋七十有三□歲也……粵十有七載。”又見《金石萃編》卷八一。按《新表五上》鄭氏有“曾，慈州刺史。”又按《中州金石記》云：“《慈州刺史光祿卿鄭曾碑》，開元二十四年五月立，梁昇卿撰并隸書。”

### 曲 彬 開元中？

河南博物館藏石刻《唐故河南府河清縣丞曲府君(元縝)墓誌銘并序》(會昌二年八月二十三日)：“曾祖彬，皇太僕寺南史七正監、懷州刺史……祖環，皇檢校左僕射、陳許等州節度觀察處置等使。”按曲環貞元二年至十五年為陳許節度，見《舊書·德宗紀》。其父彬刺懷疑在開元中。

### 崔 沔 開元二十三年—二十四年(735—736)

《全文》卷三三八顏真卿《通議大夫守太子賓客東都副留守雲騎尉贈尚書左僕射博陵崔孝公(沔)宅陋室銘記》：“〔開元〕二十一年遷祕書監……遷太子賓客，出兼懷州刺史。二十四年罷州，又以本官充東都副留守。”又見卷三一五李華《贈禮部尚書清河孝公崔沔集序》。北圖藏拓片《大唐尚書左僕射崔沔墓誌》(大曆十三年四月八日重刻)：“特詔公魏州刺史。皇上有事泰山……入為左散騎常侍兼判國子祭酒……太子賓客兼懷州刺史

……以開元二十七年十一月十七日薨於居守之內館。”兩《唐書》本傳未及爲懷刺事。

### 李齊物 開元二十四年(736)

《舊書》本傳：“開元二十四年後，歷懷、陝二州刺史。”又《高尙傳》：“李齊物爲懷州刺史，舉高尙不仕，送京師，並助錢三萬。”《新書》本傳未及。又見《全文》卷三四二顏真卿《金紫光祿大夫守太子太傅兼宗正卿隴西郡開國公李公(齊物)神道碑銘》。

### 常 泰 開元中？

北圖藏拓片《唐故正議大夫蘄州刺史兼御史中丞孫府君夫人河內常氏墓誌銘并序》(元和五年十一月廿□日)：“曾祖泰，懷州刺史。祖光輔，贈兵部尙書。父慙，贈坊州刺史。季父願，將作監，贈工部尙書。”

### 李 禕 開元二十八年(740)

《舊書·玄宗紀下》：開元二十八年“六月，懷州刺史、信安王禕爲太子少師”。又見兩《唐書》本傳，《元龜》卷二八一。

### 鄭 溥 約開元末

《全文》卷七四四陳齊之《故右內率府兵曹鄭君(準)墓誌銘》：“王父溥，尙書右部郎中，歷青、邢、相、衛、兗、幽、懷七州刺史，入爲左庶子。”鄭準大和四年卒，享年六十三。又見《金石補正》卷七二，《吳郡金石目》。《英華》卷三九五蘇頌《授鄭溥殿中侍御史等制》稱奉議郎行監察御史鄭溥。其刺懷約在開元末。

### 崔 翹 天寶初

《全文》卷三〇八孫逖《授崔翹尙書右丞制》：“大中大夫守河南郡太守……崔翹……可守尙書右丞。”按唐無河南郡，疑爲“河內郡”之訛。

### 王 象 約天寶中

《千唐誌·唐故處士太原王府君(修本)墓誌銘并序》(開成二年十月十日):“曾祖象,銀青光祿大夫、京兆少尹、右金吾衛將軍、懷魏等七郡太守。”修本卒開成二年五月十三日。

### 李 稹 天寶中

《新表二上》隴西李氏姑臧房:“稹,河內太守。”上圖藏拓片《前河南府河陽縣丞崔公夫人隴西姑臧李氏墓誌銘并序》(大中元年三月十三日):“祖稹,皇諫議大夫、河內太守;父愜,前任婺州金華縣尉。夫人即少公之長女也。”夫人會昌五年九月十一日卒,享年三十一。《國史補》卷上:“李稹,酒泉公義琰姪孫……官至司封郎中、懷州刺史。”又見《廣記》卷一八四引。按《舊書·禮儀志四》:天寶十載正月……大理少卿李稹祭吳嶽山成德公。《大唐郊祀錄》卷八作大理卿李稹。

### 元 瓌 天寶中

《隋唐五代墓誌匯編·陝西卷》第一冊《唐故金紫光祿大夫穎王府司馬上柱國元府君(瓌)墓誌銘并序》(大曆四年二月十日):“祖仁虔,皇朝議大夫、豐州刺史。父思忠,朝散大夫、滑州靈昌縣令……公即靈昌府君之第三子也。拜衛尉少卿,除虢州刺史,改懷州刺史……加銀青光祿大夫,除豐王府長史。屬狂寇稱亂,中原不安。”上元元年七月八日卒。未言享年。按元瓌開元四、五年爲邠王府掾,見開元五年八月五日《大唐故信安縣主元府君墓誌銘并序》。

### 韋幼成 約天寶十二載(約753)

《全文》卷三九〇獨孤及《唐故朝議大夫申王府司馬上柱國贈太常卿韋公(纘)神道碑銘并序》:“孟子幼成……天寶十年自尙書兵部郎出守漢中、兼山南西道採訪處置使,移典河內。河內

人至今頌之。”

裴 恂(裴珣) 天寶十四載(755)

《新表一上》南來吳裴氏：“恂，河內太守。”乃裴寬之弟。《舊書·裴寬傳》：“寬歿之後，弟珣爲河內太守，安祿山反，以執父喪，將投闕庭，恐累其母，乃詣河東節度訴誠而退。”按裴寬卒天寶十四載，見《舊書·裴寬傳》。

王奇光 乾元元年(758)

《元龜》卷二五：乾元元年四月“己未，懷州刺史王奇光奏：河內縣王昇清種麥數畝，皆一莖三穗”。

李嗣業 乾元元年—二年(758—759)

《通鑑·乾元元年》：六月，“以開府儀同三司李嗣業爲懷州刺史，充鎮西、北庭行營節度使”。《全文》卷四三肅宗《贈李嗣業武威郡王詔》：“故衛尉卿兼懷州刺史充北庭行營節度使虢國公李嗣業……死於王事，禮有可嘉……可贈武威郡王。”按嗣業乾元二年正月中流矢卒，見兩《唐書》本傳，《新書·忠義傳上》，《元龜》卷一三九，《通鑑·乾元二年》。

段秀實 乾元二年(759)

《舊書》本傳：“安慶緒奔鄴，〔李〕嗣業與諸軍圍之，安西輜重委於河內。乃奏秀實爲懷州長史，知軍州，加節度留後……嗣業爲流矢所中，卒於軍，衆推安西兵馬使荔非元禮代之……元禮多其義，奏試光祿少卿，依前節度判官。”《新書》本傳略同。《通鑑·乾元二年》：正月，“鎮西節度使李嗣業攻鄴城，爲流矢所中。丙申，薨；兵馬使荔非元禮代將其衆。初，嗣業表段秀實爲懷州長史，知留後事”。

荔非元禮 乾元二年(759)

《舊書·肅宗紀》：乾元二年三月“辛卯，以衛尉卿荔非元禮爲

懷州刺史，權鎮西、北庭行營節度使”。又見《通鑑·乾元二年》。《新書》本傳：“以功累遷驃騎大將軍、懷州刺史，知鎮西、北庭行營節度使。上元二年，〔李〕光弼進收洛陽，軍敗，元禮徙軍翼成，爲麾下所害。”

安太清 上元元年(760)

《全文》卷三四二顏真卿《唐故開府儀同三司太尉兼侍中李公神道碑銘》：“其年改元上元。冬十一月攻拔懷州，擒其僞節度安太清。”

崔圓 上元元年(760)

《舊書》本傳：“李光弼用爲懷州刺史，除太子詹事，改汾州刺史，皆以理行稱。”《新書》本傳略同。按上元二年二月以太子詹事崔圓爲淮南節度，見《舊書·肅宗紀》。

張禹 寶應元年(762)

《全文》卷三六六賈至《授張禹兵部郎中丘據兵部員外郎制》：“澤州刺史張禹……可守兵部郎中、懷州刺史。”

楊承仙 廣德元年—大曆二年(763—767)

《元龜》卷六七三：“楊承仙大曆初爲懷州刺史。”《全文》卷三九〇獨孤及《唐故開府儀同三司試太常卿懷州刺史楊公(承仙)遺愛碑頌并序》：“皇帝嗣位二載，河內得賢二千石曰猗氏楊承仙者……相國梁公拔公於戎馬之上，表爲刺史……上奇其能，以璽書勞勉，封弘農郡公……不遐其福，大曆二年八月六日公薨於州，春秋五十四。”

李抱真 大曆二年—四年(767—769)

《舊書》本傳：“改授澤州刺史，兼爲澤潞節度副使。居二年，轉懷州刺史，復爲懷澤潞觀察使留後，凡八年。〔澤潞節度〕抱玉



卒，抱真仍領留後。”《新書》本傳略同。《全文》卷四四六董晉《義陽王李公(抱真)德政碑記》：“永泰初，又兼御史中丞……改澤州刺史……遷懷州刺史。”又卷七八四穆員《相國義陽郡王李公(抱真)墓誌銘》：“代宗器公之才，將試其用，詔兼御史中丞充陳鄭澤潞節度留後……罷請留府，願效列郡，優詔從之，拜澤州，換覃懷……復統留府之政，累加御史中丞、左散騎常侍，并領磁、邢二州。”

### 馬 燧 大曆四年—六年(769—771)

《舊書》本傳：“遷鄭州刺史……大曆四年，改懷州刺史……〔李〕抱玉移鎮鳳翔，以汧陽被邊，署奏隴州刺史、兼御史中丞。”《新書》本傳略同。按李抱玉移鎮鳳翔乃大曆六年二月事。又見《御覽》卷二五八、卷八三九，《元龜》卷六七五。《全文》卷五〇七權德輿《司徒兼侍中馬公(燧)行狀》：“大曆中，改懷州刺史。其夏大旱……拜隴州刺史兼御史中丞。”

### 崔 朝 約大曆中

《新表二下》崔氏清河小房：“朝字懿忠，鄭、懷二州刺史。”《芒洛遺文》卷中《唐故河南府河南縣主簿崔公(程)墓誌銘并序》(貞元十五年八月十三日)：“父朝，懷州刺史、左庶子，贈祕書監。”《全文》卷六八二牛僧孺《崔相國羣家廟碑》：“奉懷州刺史贈太子少師府君神主祔於第二室……曰王考廟……懷州公諱朝，字守忠……四遷檢校倉部郎中兼侍御史、知鄭潁兩州節度使觀察留後錄刺史事……移試國子司業兼懷州刺史。”又見《寶刻叢編》卷八引《集古錄目》，《千唐誌·唐崔氏十六女墓誌》、《唐泗州下邳縣尉鄭君故夫人清河崔氏墓誌銘并序》、《唐故懷州錄事參軍清河崔府君後夫人范陽盧氏墓誌銘并序》、《有唐盧氏故崔夫人墓銘并序》。上圖藏拓片《曹州刺史崔翬墓誌》：“祖府君諱朝，